

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Proverbium Male parta male dilabuntur

**Hanke, Gottfried
Wachtel, Justin**

Helmstadi, [1698]

§. III

urn:nbn:de:bsz:31-102693

An ſibel gewonnenen Guth

Hat der dritte Erb weder Freud noch Muth.

Belgæ hoc ita efferunt:

Qualiick gewonnen, qualiick verteert:

't gaet soo't gekomen is.

Idem significat *Gallorum* proverbium,

Ce qui vient de la fleute, s'en retourne au tabourin:
nec non illud *Italorum*:

Quel che vien di ruffa raffa, se ne va di buffa â baffa.
Taceo in præſenti alia aliarum gentium nationumq;
atq; ſapientum virorum adagia idem ſignificantia.

ſ. III.

Malè partorum nomine veniunt omnia injuſtè & injuſto modo acquiſita, ſive fuerint bona privato- rum, ſive publica, ſive ſacris, ſive profanis uſibus de- ſtinata, ſive vi, ſive fraude & per varias circumventio- nes, vel in contractibus, vel extra contractus parta. Spectant huc quoq; bona per avaritiam corraſa, ut- pote quæ inter bona illegitime compilata rectè locum ſuum inveniunt, & eadem cum *malè partis* fata habere ſolent, quod non ſint durabilia, ſed *malè dilabantur*, vel apud ipſos injuſtos acquirentes, vel apud horum hæredes. Ex dictis patet, ditelcentibus per malas ar- tes annumerandos etiam eſſe ſimoniacos, muneribus corruptos judices atque patronos, & quodcunq; aliud turpe, & cum injuria tertii conjunctum lucrum ſe- ctantes. Modus, quo *malè parta malè dilabantur*, non unus, ſed varius eſt. Notabimus illum, præcipua ex parte, infra ſ. 7. & 8. ubi de eo, unde ſit, quod malè parta malè dilabantur, acturi ſumus. Valet autem hoc proverbium, uti plura alia, non niſi *ut plurimum*, & veritatem hujus dicti eventus ſi non

si non semper, saltem *plerumque* comprobat. Cave autem hanc propositionem invertas, quasi omnia malè dilapsa sint etiam malè parta. Contrarium enim tum aliunde, tum ex *Antonii Mariae Gratiani libro*, à Flecherio edito, de casibus virorum illustrium, & ex *Rabutini Comitis de Busfy libro*, l' Usage des adversitez, ou l' histoire de plus illustres Favoris, satis est manifestum.

§. IV.

Comparantur malè parta inter alia

(1) *Telis araneorum*, utpote quibus nihil tenerius, nihil fragilius est. *Impii fiducia est domus aranei. Cui domui si quis innitatur, non stabit, si eam apprehenderit, non consistet.* Job. VIII. 14. 15. Nullus enim nescit araneorum telas multo labore diligentiaque contextas, tenuissimis filis artificio prorsus mirabili ita ductis, ut ratione carentis animalis solertiam omnino superare videantur, aut vento dissipari, aut incidente lapillo, aut folio perforari, totumque laborem in eis contexendis impensum momento temporis interire.

(2) *Domui tineæ.* Sicuti enim tineæ in veste deprehensa statim excutitur, ita etiam impii domus non erit stabilis, aut diuturna. Et quemadmodum tineæ lignum excavando, sibi domunculam quandam, aut cavernulam construere videtur, quæ tamen ad brevissimum tempus durat: nam ligno arrosione illa labefactato & contracto, etiam tineæ domus perit, imo sibi perniciem illam comparat & conciliat, dum sibi domum ædificare videbatur; ita qui injustè aliena rodendo rem suam amplificare studet, perniciem sibi certissimam fruit.

(3) *Aqui-*